

不是集

邑後學錢穆署

不是集

長洲章鉞題



不 是 集

燕京大學圖書館叢書之一

中華民國二十五年六月出版

定價國幣壹圓捌角

外埠酌加郵費

發行者 燕京大學圖書館

印刷所 北平成府引得校印所

經售處 北平各大書坊

浦先生遺著醱室集一經三十年
前已板行矣下此葉流轉北方罕見
先生生平行蹟與當時文字風氣自
題集名曰不是老輩搗謙固不勞
後生評泊也丙子四月銘再記



三山老人不是集目錄

墓誌

慎齋王君暨配黃孺人合兆墓誌銘

外父子六黃先生合葬墓誌銘

席年伯向曙先生墓誌銘

王漁石暨配錢太夫人合葬墓誌銘

未堂陶公墓誌銘

內姪黃文學鄰仙墓誌銘

華毅菴暨配鄒孺人合葬墓誌銘

薪巖秦先生墓誌銘

青來徐先生墓誌銘

元聘妻從兄曰能陳君暨配周孺人合葬墓誌銘

守愚蔡先生合葬墓誌銘

常熟同年席勉齋墓碑銘

序

華劍光八十壽序

前澗浦氏重輯宗譜序

上神宗皇帝書序

膠東周氏族譜序

顧持國小題文序

詮注陳星齋稿叙



竿頭吟序

記

書歡傲涇錢氏經始義田事

虎阜寺補撰洞明禪師中興碑記

重修南禪寺妙光塔記

積功堂文昌閣記

代郡守某

宋村朱氏重建文公像祠記

秦氏雙孝祠記

重建關橋記

啟

江蘇大中丞文登徐公入名宦祠啟

嵩山寺再請日和尙啟

請嵩山方丈玉田大和尚啟

讚

蔡氏雙孝讚有序

引

嵩山禪寺請藏供藏引

募修崇安寺引

募建虎阜千頃雲閣引

廣安卹會小引

跋

讀衛孝子傳跋

讀單貞姬彰義卷跋後三則

書東漢皇后紀後

題已酉科藍筆閣卷後

傳

節婦朱母蔣太君家傳

書

、上雲貴制軍尹大人三通

、南歸道經德州上田夫子二通

、啟臬臺鳳巢族兄

、上王淞江師

、上同門梁相國薌林先生

、致華劍光三通

、致陸龍岡八通

、致王緱笙臺灣幕四通

、致稽嘉會三通

、致秦薪巖

、致同年侯若木二通

、致呂晉東四通

致朱夔一代弟

致蔡陽谷二通

致稚春孫年姻臺三通

答陳雨顏二通

與族姪成霞

致丁紉菴五通

致殷奕年先生

致宋載培

與司馬健九五通

與秦雪堂二通

代秦雪堂致某書

與華光烈四通

請秦父軒先生二通

致崇安芋和尚

與錢左言

致宋

與安岐山

與華容齋二通

與某

請鄭濟川二通

與華廷遠二通

與蔡楚材

代有常叔請尤岸仙

與陳清源

代丹五致蘭潔

致同年王蓼原先生七通

致華曠軒

答楊燕侯

、答錢乾御代

、與曹王制二通

、致錢正焉

、致李天根二通

、與內弟黃濬長二通

、與許九功

致同寅徐退山

、與黃丹英二通

、與錢階登二通

、致楊宸言

、致錢大成

、致顧右卿二通

、與蔡文虞

、與蔡體乾七通

與某

致某四通

、啟雲南督標協府濟寧王子佩先生

啟某

、致邑明府胡公

致某

、致舊山長同年某

、與許元起三通

、致施立亭二通

、與黃是式

致揚州府學周寅兄

致常郡學博樸存胡年兄

致長洲明府馮公

致元和明府金公

致寶山學洪寅兄

上開府陳榕門五通

與常熟明府畊山唐年兄

與震明府劉公

致邑侯王濟光

與華聲求

與陳大成二通

與丹五弟

與惠文弟

與蔡思兼

與常熟明府陳

與楊聖功

與蔡啟南

致葛摺笏

上某公

與邵學民

致同年楊維圃

致吳牧園先生

致族兄淳若

致南禪寺長慶禪師

上惠潮道臺汪公

上同年淮楊鹽道吳公二通

致荊州兵備道同年李漪亭

啟嵩山方丈梅老人

代梅老人辭壽

致王歛齋五通

致方萼亭五通

致楊慎餘

致蔡思皇三通

致楊嶽峻

上陳可齊

與蔡敦復十三通

與安天順

與張嘉會

與潘南一二通

與蔡文清二通

代孫德星簡華世美

三山老人不是集

金匱 浦起龍 二田著

墓誌

庠彥慎齋王君暨配黃孺人合兆墓誌銘

余年八十斷弃研削歲且暮瞻橋二王子思志思尙將以明年春葬母厥考之兆造余以母卒時述略拜爲銘余辭以耄則重拜以請且示余今大宗伯沈公向所爲厥考傳傳用史法生年系配不書卒不日且不逮葬乃告之曰考未有銘而妣專之非體以傳當之又弗備其別紙補備來可則又重拜曰幸甚別紙至改歲乃次而銘之慎齋王君者諱直字子擎與其仲氏子任君同貫蘇籍補諸生系本蘇之荻扁籍瞻橋自信十公始其後曰孝垂公蚤世配旌節呂坊閭右者是也是生見素公娶楊卽君祖考妣也古學之中絕也明中葉八股揣摩法行所操具高頭四子摘本一經盡之自餘無問錄略庫部卽他經不知何語見越涉者賊之若腐腸毒物習陋至余冠有室年間極矣當是時有嗜書購古犯訕笑不易慮者於南城則吾友華君芋園於泰伯瀆之委所謂瞻橋者則君伯仲此三人落落相望五十里可不謂勇過孟賁哉君於書儲富

而執要嘗言六經而下爲世用莫如史以是經有日箋史則見端緒於錫山文獻病邑志之漏缺偕其仲氏分門砥勵仿涑水作長編法閱書千卷有干即注寧失繁毋失略之意窮年屹屹垂成而疾作與仲訣仲曰請爲班氏昭領之仍戒勿輕問世其矜重若此又嘗病宋史之蕪志汰雍勒成一家義例旣立亦折於年不果昔時中州王損仲嘗爲此其事尤鉅未易言然非胸貫全史詎敢議此可以概君識力矣余與君生同年僅識面設今而在忻爲執鞭雖無因猶將從他所論著牽連及君以附知言之末况二子者請銘其母有弗乘之一傾所願乎况又體固宜然者乎顧君卒之年志也始四歲尙之生三月耳卒能循謹保世先後圖不朽其所生孰植之孰牖之耶卓哉黃母孺人 壩里名冑禮宗也父庠生聖基公孺人十六歸於王佐養兩尊親趨事恆在意先年三十亟勸造是得厥副錢尋相次舉志及尙志及尙自少不知異母也方尙生而遭大戚也繇連五六年更兩世之喪三忍死綜庶務堵百艱勞勩備矣猶以間頻呼二雛振警之曰兒曹爲無父子難爲名父子較難而父自命何等是架上者吾見其來汗牛矣忍見其飽蠹耶比志尙皆有力淬之猶不少縱及晚節指尙兒語志曰自渠母來吾得助多今老矣行牽袂從而父泉下無相違也必以耐嗚呼其能人所難而因心以出者耶愼齋君寢淫於古孺人知古而不膠於古皆可書君生康熙己未正月五日卒戊戌閏八月二十九日年四十孺人後君三年十一月二十六日生卒年六十有一爲乾隆壬戌十月廿四

以己卯三月四日合君兆距君之葬雍正甲寅四月二十六日廿有五年矣錢亦以是日祔其壽六十有六兆在積字圩見素公墓之昭子二並國子生思志黃出思尙及女一副錢出孫男五女二姻連並名閭君所遺又有小集雜著藏於家銘曰

梁溪貯書古遂初末學囚首延州問一二尙古心所於庭有收子闡慈訓祝雖慄不隕厥問重爲名父留遺韻報之兮罔極不死其親兮唯文是職儻清芬兮堂斧即迪將其後兮占以臆

外父子六黃先生合葬墓誌銘

讓鄉之南境數門才者曰頌望橋黃氏起龍妻族也明經候選學訓子六先生蓋外父云龍適甥館自歲庚辰再及庚而先生卒僅羸十年先五年外母鄒孺人卒後先生三年吾妻亦卒距今前後且四十年而過從不衰於初習其外內本行文以忠其嗣人龍之職也先生諱晟白皙長鬚豪於酒而律已不放篤天屬負時略自考及身唯兩房皆一人共財以世推予所同生女兄弟如兄弟于外家兩世養盡其年而庀其首邱給里之嫠者窶者榜額於庭程以月里有競者理勢挫銳俗爲之靜望亭北橋工起與邑長者分事而身先之橋之南曰柵口口東出其西涯舊名洪臨太湖之水輸焉頗號風險明世實以土爲石塘柵左右田受溉者病之會塘壞建議穿二澮束以斗門時閉啟險避而民還其利後有形家過之曰是於柵口墳穴法大合墳

即先生世墓也先生無位任而效於所施者如此先生累試省闈親歿後漸息意然苦心藝業原本海虞圓沙錢氏服其緒論絕去骯髒有瞻窗牘稿黃自壩頭來徙至先生六世以禮教開風氣羣從支屬踵踵而起有聲藝林四五人且未已後來望祀者君宗瓣香必曰先生焉然則先生之施亦遠矣鄒孺人生禮宗始至謹論壯以一先生於學襄大事必以制蕃字育慮周於長幼恩而有度比先生遭貞疾憊忘其勞以此自隕孺人於先生所謂盡悴而後已者先生年十七補學官弟子越廿年貢上舍注訓導籍考華卿翁妣錢孺人世父錫卿翁從兄子盛翁共財以世者也鄒燕祥白漢昭吳旦升女兄弟之夫也子男子五育者三蟾發鳳起國子生仕蔺子女子三其一贈孺人即起龍妻也孫男六女八曾孫男七女三婚嫁字聘詳蟾發所述行略中皆右族先生生康熙癸卯十月十四日卒庚寅六月六日鄒孺人生乙巳二月四日卒乙酉三月九日孺人已前葬柵口之再穆蟾發今得考卜將以乾隆十三年十月十四日奉先生匱合兆泣而曰願論譏爲之傳起龍曰傳者傳也吾言不足傳請銘諸幽亦足以徵譜牒矣銘曰

位不及而施是亦政也羽可用爲儀浸以進也具區之委輸積之盛也演之慶也言無溢辭其女夫職之斯近信也

席年伯向曙先生墓誌銘

吾讀圓沙錢氏所爲向曙先生傳喟然而歎傳其人牽連再世師友之間三復而不已必其所致之有盈而溢其分者矣分深於師友即天屬可知也其天屬深其生平可知也吾年友祐智曰是我先子也先子棄養時吾兄弟長者十二歲幼始二歲未曉所謂不朽其先者此傳後從調運齋集內繙得之龍又歎異之今人遇親喪例爲美詞相傳觀或以賂或托之非眞文之不必以其實不待展誦已知其中大率云云矣有之自他致者誰乎况必信無疑如圓沙氏之言者乎然則奚以多辭爲也疏舉其文足以誌先生矣傳曰君早慧爲舉子業洋纒貫串蓋爲不究於成惜也多難故也又曰以童子扞父於艱是指扶九公肩役累時言童子表天性也又曰扶九疾數月滌漉溺器不假手敵以下敵謂所僱也其事必身親之不則婦親之爲欲審視質色且非是或不盡淨也又曰遷前母王合父兆棺腐枯腊見哀踊手縫囊而置周之慟不止路人太息稱孝子是言致哀致慙於非所生尤人所難也又曰母孫太君備闕行六十製新衣并衣諸世母以悅之減租入爲惠以廣之蓋爲母迓遐祉也又總其備德曰勸助簪者卻之送其妹厚齋之庇其從孤子全安重其嫂蕭之節敬事之娛其母以逮母父母生迎而沒葬之凡是皆不置之推也乃所謂牽連三復者曰少受書潘君敬脩掬溜潔席三年禮極恭敬脩寓家芝川後來過留必數月不得已去去必厚遺之延首望帆影行適東北必祝冀遇之已乃與世父式九翁買屋城東延以居曰行數莫如城得常遇也敬脩者於席於錢皆世

講詳語圓沙爲傳之如此皆實錄也先生姓席氏諱永昇扶九公次子龍表扶九公墓世系表中母即孫太君配范夫人 諱 女性至孝合志於先生比先生卒事姑之年又倍之侍殯依寢寒鏹暑扇孫太君老而忘其失子者以有夫人也先生卒以康熙丙子距其生順治丙申年四十有一范夫人後一年生卒又後二十三年年六十有四又踰年孫太君乃卒先生有兄諱永恆早世子五人祜仁出爲兄後扈義上舍生祜禮祜智雍正己酉舉人祜哲女 壻 孫男 女 曾孫男 女 婦壻皆右族葬以雍正甲辰祔父墓之昭塋十三年乾隆丙辰嫺黨舉先生孝行撫部邵公以聞於朝 詔表其閭又十二年丁卯年家子浦起龍追誌之系之以銘曰

宛之瀾清且澆有先民丈人行去父同生先贈公亦丙申生子同勝躬至行 綸音颺于胥樂厥宗亢從親其居萬古藏

誥贈通奉大夫宗人府丞邑庠生王漁石暨配錢太夫人合葬墓誌銘

起龍自爲諸生頗知慎交游辨氣類有與施鈞禮而中心嚴事如良師者得三四人其一人即鵝湖漁石王先生先生本深養定不騰口說而躬君子之行粹然儒者也不幸僅及中壽乙亥六月先生哲嗣宗卿會汾在籍丁母太夫人艱既逾月用治命卜考妣塋有日麻經造門請文其隧中石宗卿躬躋九列追顯所生宜